

آبونه اولوق ایستینلر دائره عدلیه ده
اداره مخصوصه سنه مراجعت
ایتملدر

اعلاناک بهرندن بر مجیدیه اخذ
ایدیلور

نسخه سی ۴۰ پاره در

تَبْلِیْغَاتُ

سنه لکی در سعادت ایچون مجیدیه
یکرمی غروش حسابیه التمش
غروشدر

طشره ایچون پوسته اجرتی اوله رق
اون بش غروش ضم اولنور

نسخه سی ۴۰ پاره در

هفته ده ایکی دفعه جمعه ایرتسی و چهارشنبه کونلری نشر اولنور. محتویاتی امور عدلیه ده متعلقدر

تَبْلِیْغَاتُ

۱ ربیع الاول سنه ۳۲۵ و ۱ نیسان سنه
۳۲۳ تاریخلی بیورلدی سامی ایله عدلیه نظارت
جلیله سنه تبلیغ بیوریلان شورای دولت مالیه
دائرة سنک ۲۴ صفر سنه ۳۲۵ و ۲۶ مارت سنه
۳۲۳ تاریخلی و ایکی یوز الی درت نومرولی
مضبطه سی صورتیدر:

« جرائم وقوعنده کشف و معاینه ده اعزام قلنان
اطبای بلدییه ده دستورده مندرج خرج تعرفه سنک
التمش برنجی و التمش ایکنجی ماده لری موجبجه الی
غروشه قدر اجرت اعطاسی و مصارف سفریه لرینک
بالحساب بشقه جه تأدیسه سی لزومی درکار ایسه ده
حقیقتک امر تظاہرنده اطبای بلدییه نک ایفا ایده -
جککری وظائفک ۸۶ میت مخصوصه سنه مبنی جرائمه
حکومت قوناغنده اجرا ایدیلجه جک معاینه لر ایچون
اطبای مومی الیه مه بر کونه اجرت ویرلماکله برابر
معاینه ایدیلجه جک شخص قصبه داخلنده اولدینی حالده
دائرة حکومت کتیرلیوبده برای معاینه طیب انک
تزدینه کوندریلور ایسه بر مجیدیه و شهر خارجنده ایسه
حیوان و آرابه اجرتندن ماعدا بر ساعت مسافه
ایچون یارم و بر ساعتدن زیاده مسافه لر ایچون بر لیرا
اعطاسی و فتح میت عملیاتنده دخی ذکر اولنان
اجرتلردن بشقه اسپرتو ودافع التعفن ادویه و سائر
مصارفی اوله رق اوچ عثمانلی لیراسی ویرلمسی استیداننه
دائر مکاتب عسکریه شاهانه نظارتندن متقدم تذکره نک
لفیه سبق ایدن تبلیغ سامییه جواباً آروجه عدلیه
اطبای بولنامسی جهته جرائم واقعه نک کشف
و معاینه سی ضمنتده استخدام ایدلمکده اولان بلدییه
اطباسنک اشبو وظیفه منضمه ایچون اجرت اخذینه
استحقاقلری طبیعی اولدینی و بناء علیه کندولرینه محاکم
نظامیه خرج تعرفه سنک التمش برنجی و التمش ایکنجی
و قرق طقوزنجی ماده لرنده مسطور اولان اجرت

و خرج راهلر اعطا ایدلمکده اولوب مقررات متخذ
موجبجه تأسیس ایدن قانوناً معین بولنان اصول جاریه
حاضره نک تغییری جهته کیدیله میه جکی و مع هذا طبای
مومی الیه مک مصارف ضروریه لری تسویه اولنجه
نه وجهله دوچار مصارف اولمده بولندقلری کیفیتی
محتاج تأمل اولمغه برابر مواد قانونیه نک تعدیلله
آروجه اجرت قدیمیه و قلمیه اعطاسی قطعی لزوم
کوردیکی تقدیرجه موازنه ده سنوی مرتب ایکی یوز
اوتوز درت بیک کسور غروشه یوز بیک غروشک
ضم و علاوه سی لازم کله جکی حقنده عدلیه نظارتندن
متقدم تذکره نک شورای دولته حواله بیورلمسی
اوزرینه عدلیه نظارتنک اشعاری موجبجه اصول
حاضره وجهله ایفای معامله و اداره مصلحت اولنمی
لزومه دائر ۶ رمضان سنه ۳۲۱ تاریخنده تقدیم قلنان
مضبطه موجبجه سبق ایدن تبلیغ سامییه جواباً
و تأکیداً مکاتب عسکریه شاهانه نظارتندن تقدیم
قلنان ۱۱ ذی الحجه سنه ۳۲۴ و فی ۱۷ جمادی
الاولی سنه ۳۲۴ تاریخ واللی طقوز و التمش سکنز
نومرولو ایکی قطعه تذکره شورای دولته حواله
بیورلمغه برلشدیریله رک مالیه دائره سننده قرائت
اولندی.

ماللرنده کیفیتک تعمیماً تبلیغی اوزرینه اردک
قضای بلدییه طبابتندن النان شقه ده کیفیت قائم مقاملغه
تبلیغ اولنمش ایسه ده بو بایده عدلیه نظارتندن هنوز
بر امر ورود ایتدیک بیانیله محلی هیئت عدلیه سنجه
قرار مذکوره کوره اجرت اعطاسنده تردد ایدلمکده
اولدینی بیان ایدلیدی اشعار اولندیغندن و طبایه یارم
لیرا قدر اجرت اعطاسی و بو اجرتدن ماعدا خرج
راهلرینک تسویه سی خرج تعرفه سننده مندرج و تجارب
و تحلیلات کمیویه و سائر رسم و قلمیه سی تعرفه سی
موجود اولوب بناء علیه نظارتنک مطالبات سابقه سننده
تعدیلی طلب اولنان جهت بر ساعتدن زیاده مسافات
ایچون بر لیرا اجرت اعطاسی خصوصی اولسنه کوره
اصول حاضره نک ادامه سی حقنده اتخاذ اولنان
مقررات برنجی قسمک اجرایی یعنی یارم لیرایه قدر

اجرت اعطاسی خصوصنده تردده محل بر آقیه جنی
و قانونک یارم لیرای اجرت یومیه اعتبار ایتسنه کوره
طبییک قطع ایده جکی مسافات ایله مدت اشتغالی بر
بر یومیه مقدارینی تجاوز ایدلیدی تقدیرده یارم لیرادن
فضله اجرتیه استحقاقی دخی جواز و لزوم قانونی
تحتنده اولوب بناء علیه کیفیت اشتغال بر یومیه
مقدارینی تجاوز ایده جک بر ماهیتی حائر بولندیغی
تقدیرده داخل قصبه ده بروجه بالا بر مجیدیه و خارج
قصبه ده یارم لیرا اولوق اوزره اعطای اجورات
خصوصنده محاکم صلاحیت لازمه سی حائر اولدقلری
و محاکم تعیین اجرت خصوصنده کی قرارلرنده تکلیف
واقعک اساس اتخادی خصوصنده ایسه هیچ بر مانع
قانونی بولندیغی و اساساً وظائف اصلیه لرندن بشقه بر
خصوصده استخدام اولنان مأمورینه و وظائف
منضمه لرینک ایجابی نسبتنده اجرت اعطاسی هر
جهته ده عموماً قبول اولنمش بر اساس بولندیغی و جرائمه
اطبایه و یریلجه جک اجرت علی الاکثر مدعیدن آلتوب
طوغربدن طوغرییه حقوق عمومیه نامنه واقع اولان
تعقیباتنده دخی بالاخره جهت محکومه دن استیفا
ایدیلجه جکی جهته بونک عدلیه موازنه سنجه بر بار
زائد تشکیل ایتیه جکی طبیعی بولندیغی و جهت استیفا
بولنان خصوصاتده دخی اطبای بلدییه نک مفتخر
و مجاناً خدمت عدلییه اجرا ایده جککری جهته قسم
مهی مدعیلردن و جهات محکومه دن استیفا ایدیلوب
انجق بعض احوال فوق العاده ده مراتب عدلیه دن
ویرلمسی ایجاب ایله جک بر قاق غروش ایچون اطبای
بلدییه یی قانونک شمول صیانتندن آیرمق موافق شان
عالی اوله میه جغندن بحثله مسافات بعیده ایچون بر لیرا
اجرت یومیه اعطاسی تصویب ایدلمسه بیله اطبای
بلدییه جرائم کشف و معاینه سننده قانون پادشاهیده
موجود صراحت و مقدار دائره سننده و غیر از خرج راه
اجورات نظامیه نک لزوم تأدیسه سی حقنده لازم کلانلره
تبلیغات اجرایی لزومی اشعار و بو مثللو طبایه بر
ساعت بعد مسافه ایچون قانوناً ویرلمسی لازم کلان
خرج راهک عودت و عزیمت اعتباریه بعد التزیلات

سکز غروش برپاردن عبارت بر مقدار بالغ اوله جفته نظراً مصارف ضروریه نك تسویه سی خصوصه بو جهنك نظر دفته النسی مطالعه سیله کیفیت تأکید وازبار قلمشدر .

اطبای بلدییه نظامات موجوده به تطبیقاً اجرت و بشقه جخر راه اعطاسی صورتده جریان ایتکده اولان معاملاتك توسیعه محل اولوب اصول حاضره وجهه ایفای معامله اولنسی مضبّه متقدمه تحت قراره آئمنش اولدیغی جهته بو خصوص جای بحث اولوب ائحق عدلیه نظارتیه ولایاته بو باده بر تبلیغات اجرا ایدلماش اولسنه نظراً محاکم اجرای معامله ترده ایتکده اولدقلری و بو ایسه اجوراتك عدم اعطاسی و بناءً علیه اطبای بلدییه عاید معاملات عدلیه نك تأخرنی موجب اولمده بولندیغی صورت اشعاردن اكلاشلمسنه مبنی اصول سابقه وجهه ایفای معامله ده دوام اولنسی لزوم نك تعماً تبلیغی خصوصنك عدلیه نظارتیه حواله سی و مكاتب عسکریه شاهانه نظارتیه ده معلومات اعطاسی تذکرقلندی .

محاکمات قضاوت

سلیانك چوبانی برهان اوغلی عدلی جرح و قتل ایلدیکی ادعا اولنسندن دولای جنایتله اتهام اولنان خلیل بن علینك اون بش سنه مدته کورکه قونلسنه دائر آیدن سنجانغی بدایت محکمه سی جزا دائرهنسندن ویریلان ۱۲۲ نومرولی اعلام

تیه دنك ذمات قریه سنندن عبدول بن بیقونك کیفیت قتلندن دولای جنایتله اتهام اولنان شافه بن آدمك اون بش سنه مدته کورکه قونلسنه دائر ارکری سنجانغی بدایت محکمه سی جزا دائرهنسندن ایکنجی دفعه اوله رق اعطا قانان ۲۵۲ نومرولی اعلام یورکی اوغلی مارقونك ماده قتلندن دولای جنایتله اتهام اولنان موسی بن بلانك اون بش سنه مدته کورکه قونلسنه دائر پروزه سنجانغی بدایت محکمه سی جزا دائرهنسندن ویریلان ۳۵۰ نومرولی اعلام

مناسرتلی عرفان افندیك برتیه کیهنی احراق ایلدیکی ادعا اولنسنندن دولای جنایتله اتهام اولنان ولسقو اوغلی چوبان میتره نك اوج سنه مدته کورکه قونلسنه دائر مناسرت ولایتی استیناف محکمه سی جزا دائرهنسندن اعطا قانان ۳۹۲ نومرولی اعلام

ممش اوغلی یوسفك کیفیت قتلندن دولای جنایتله اتهام اولنان مصطفی بن محمدك اور بش سنه مدته کورکه قونلسنه دائر انقره ولایتی استیناف محکمه سی

جزا دائرهنسندن اعطا قانان ۱۶۱ نومرولی اعلام حوری اوغلی حاجینی جرح و قتل ایلدیکی ادعا اولنسنندن دولای جنایتله اتهام اولنان منلا علی اوغلی حسینك اون بش سنه مدته کورکه قونلسنه دائر یوزغاد سنجانغی بدایت محکمه سی جزا دائرهنسندن ایکنجی دفعه اوله رق ویریلان ۶۳ نومرولی اعلام محمد علی بن قتل ایلدیکی ادعا اولنسنندن دولای جنایتله اتهام اولنان آقو بن ذولفینك اون بش سنه مدته کورکه قونلسنه دائر ارغنی سنجانغی بدایت محکمه سی جزا دائرهنسندن ویریلان ۱۴۲ نومرولی اعلام

قورتان بن حامدی قتل ایدن فراری زینل بن مؤمنه معاونت ایلدکلری ادعا اولنسنندن دولای جنایتله اتهام اولنان سلیمان بن مؤمن و حسن بن خلیلک اوچر سنه مدته کورکه قونلزنیه دائر سینیچه سنجانغی بدایت محکمه سی جزا دائرهنسندن اعطا قانان ۸۲ نومرولی اعلام شریفه خانمی جرح ایلدیکی ادعا سنندن دولای جنایتله اتهام اولنان علی بن مصطفانك اوج سنه مدته کورکه قونلسنه دائر قسطمونی ولایتی استیناف محکمه سی جزا دائرهنسندن ویریلان ۷۷ نومرولی اعلام محکمه تمیز جزا دائرهنسنبه تصدیق قلمشدر .

درسعادت جنایت محکمه سنندن تنظیم واعطا قانان اعلامدر :

اوچپوز یکریمی ایکی سنه سی نیساننك یکریمی ایکنجی کونی کدك باشا جوارنده برکبه ده ساکنه زینب قادینی جرح و قتل ورجی دخی جرح ایلدیکی ادعا سیله مظنون علیه اولان کدك باشاده اقامته آراهه قوشیجیلغی ایدن قرق یاشنده عربکلری ابراهیم بن یوسفك جنایتله اتهام ایلدیکنه دائر هیئت اتهامیه دن تنظیم قانان مضبته واستیناف مدعی عومیلکنك ۱۰ تموز سنه ۳۲۲ تاریخی اتهامنامه سی اوراق متفرعه سیله معاً محکمه جنایتیه تودیع قلمغله بالمطالعه تفصیلاتی اولیابده طوطیلان ضبطنامهن مستبان اوله جنی اوزره اصول محاکمات جزائییه قانوننك باب ناینسنك فصل رابعده محرر اولان معاملات ابتدائییه بعد الایفا متهم ابراهیمك اجرای محاکمه سی ایچون اغستوسك ایکنجی چهارشنبه کونی تعیین قانندی یوم مذکورده متهم توقیفخانه دن کتوردیلهرک ومدافعه وکیل خالد ومدعی عومعی معاونلرندن عزتو بهجت بکیر ومدعی شخصی رجب موقع محضر صلارنده حاضر اولدقلری حالده محاکمه صالونه جیقیه رق

محاکمه علیه مباشرت ومتهمك هویتی لدی التددیق استجواب ضبطنامه سننده محرر اولدیغی وجهه تعین ایتدکن ومتهم ایله وکیل مومی ایله اخطارات قانونیه ایفا قلندقدن صکره هیئت اتهامیه مضبته سی ایله اتهامنامه ضبط کابی فرید بك طرفندن قرائت اولندی .

مضبته ده مظنون علیه ابراهیمك زینب قادینی جرح و قتل ورجی دخی جرح ایش اولسندن طولانی اتهامنه اوراق تحقیقیه ده محرر دلائل وامارات کافی کورلش وحرکتی قانون جزانك یوزتمش دردنجی ماده سی حکمی مستلزم افعال جنائیهن بولنش اولدیغندن جنایتله اتهامنه قرار ویرلدیکی محرر واتهامنامه ده دخی اولوجهله متهم بولندیغی مسطر در .

جانب ریاستدن اتهامنامه نك مندرجاتی متهمه تفهیم وانبیا ومعاون مومی ایله جانبندن دخی تشریح دعوی اولنسی معقب مرقوم سولتدیرلرکده مقتوله زینب خاله سنك اوغلنك زوجه سی اولدیغی ورجی هیچ طایفدیغی وکیسه ایله منازعه ایتدیکی کی قتل وجرحدن خبری بولندیغی و آخورده اوطورر ایکن کندوسی دردست ایتدکلری بیان ولدی السؤل زینب اوتوز بش یاشنده قدر برقادن اولوب شمدی به قدر فنا برحرکنده بولندیغی ایشتمدیکنی اتیان ایتدی .

صورت جریان وقعه مدعی رجبدن صورلدقده زینب قادینك کلبه سننده امانه طورمقده اولان اشیارلری آلتی اوزره مزبورده نك اون التی یاشنده بولنان اوغلی محمد ایله مذکور کلبه نك قوسنه کدکلرندن قونك آجیق بولندیغی وایچورده برکورانی اولدیغی ومحمد کوچك قنداشنك اغلامقده بولندیغی کوردکلری اثاده زینب قادین یتیشك اوغل قزلباش بی اوردی دیو فریاد ایتسیله محمد اوطه به قوشوب متهم ابراهیمی طوتمق ایستدکه الندن قورتکسیله فرارینه میدان ویرمامک اوزره کندوسنك صارلسی اوزرنیه مرقومك بجاغنه اوروب جرح ایتدکن صکره فرار ایتدیکنی سولیدی .

علی هذا ضابطه عدلیه تقریری ایله معاینه راپورلری اوقوتدیرلیدی . ۲۲ نیسان سنه ۳۲۲ تاریخی اولان مذکور تقریرده بوکون ساعت بر راده لرنده کدك باشا جوارنده برکبه ده اقامت ایدن زینب قادینی سانس ابراهیم نام شخص جرح ایله فرار ایتکده ایکن دردست ایتك ایستین رچی دخی جرح ایدرک فرار ایتش ایسه ده بیک بردریرک جوارنده تحقیق مأمورلری طرفندن دردست اولندیغی ودملی بجاغك کلبه دروننده بولندیغی بیانیله مرکزیه تسلیم ایدلکه

فریاد ایدرک کلدیکی کوروب سینی سؤالنده عوجهم ابراهیم والدم زینب ایله دایم رچی اوردی آخوره کیردی دیمکه آخوره کوروب باقدیغنده متهم ابراهیمك باشنه قمرزی برمدیل باغلامغله مشغول اولدیغی مشاهده ایدرک دردست ایله طیشاری چقاروب محل وقعه اولان خانه یه کیتدکلرندن زینبک مندر اوزرنده یاتقمده اولدیغی دخی کوروب جارحنی صوردیغنده ابراهیم دیمکه مزبورده ایله متهمی مواجهه ایتدکلرندن بی اوران ابراهیم بودر سیاه صابی بچاق ایله اوردی دیدیکی ومتهم مرقومی رجه دخی اراؤه ایتدیکنده جارحك مرقوم ایدوکنی افاده ایلدیکنی وبجیغی بالتجری ذکر اولنان خانه نك قپوسنك صول طرفنده کی رافك آتنده وکوپك یاننده اوجی اکرلش ونصفه قدر قانه بویاتش اولدیغی حالده بولدیغی ومتهمی اثنای دردستنده باشنده فس اولدیغی وقعه محلی اولان خانه یه کیتدکلرندن اوراده متهمك فسنی آلوب سپورمکه اشتغال ایتدیکنه نظراً فسکده متهمك اولدیغی اكلاشلیدیغی بر موجب استسطاق بیان وشهادتنك حضور محکمه ده بولنان متهم ابراهیم حقنده اولدیغی اتیان ایلدی .

محاکمات ابتدائییه

مجدا اوزی قضاسی نائی و بدایت محکمه سی رئیس فائق افندیك صفت حاکمیتله غیر متناسب احواله وخلاف قانون توقیف اشخاصه جرأتی سیواس ولایتی استیناف محکمه سی مدعی عومیلکندن وارد اولان اوراق تحقیقیه محتویاتندن اكلاشلمسنه بناءً محاکمه آتیه آلمسنه عدلیه نظارت جلیله سنندن مأذونیت ویرلهرک مذکور مدعی عومیلکه تبلیغات مقتضیه اجرا و طرف عالی مشیختپناهی بده معلومات اعطا ایدلشدر .

اعلام

درسعادت جنایت محکمه سننده :

معامله جبروشدت اجراسیله لیلاً ومسلحاً قیون وسائر سرقت ایتك فعلیه اهام ایدیلرندن اولوب فرار ایدن واتنده بروده چوبانلق وکوفه جیلک ایدرک علی الاکثر کی جامعشریف حولیسنده کی قهوه خانه ده بولندیغی خبر ویریلان اوصاف واشکالی غیر مضبوط راپو نام شخص الیه ایدیله ماش اولدندن نارنجدن اعتباراً جانب ریاستدن کندوسنه مجدداً اون کون مهل اعطا قلمشدر مهل معین طرفنده محکمه یه

استماع اولنان شهودك شهاداتی ختام بولدیقه ذات دمل بر بچاق دخی بولدقلری وشهادتنك حاضر بالحا که متهم ابراهیم حقنده اولدیغی ایراد ایلدی . اداره مذکوریه مأمور تحقیق مأموری یکریمی دوت یاشنده قره مرسللی حسن صبری افندی ابن صالح بیک بردریرکده طورمقده ایکن برچوجفك

استجوابنده صورت جرحدن معلوماتی اولدیغنی بیان ومجروحو زینب قادینه مرقومك بلا سبب کندوسی جرح ایتدیکنی اتیان ومجروح رجیده ایتدیکنی فریاد اوزرنیه کلبه دن چقمقده اولان جارح ابراهیمك دردسته تثبیتده کندوسنیده بعد الجرح فرار ایتدیکنی در میان ایتدکلری اذبار وزینب قادینك معاینه سی حاوی کشف راپورنده ناحیه خلیه سنك وحشی ایسرنده آلت قاطعه ایله حاصل ایکی سانتیمتر و طولنده عقی عضله به قدر مستعراً واقع جرحه سنك جوف بطنه نافذ اولدیغی وجرحه سی نتیجه سنندن حصوله کلان التهاب برظون حاد جرحدن وفات ایلدیکی ورجبك معاینه سی حاوی راپورده دخی حول فخذی وحشی اغلاسنده آلت قاطعه نك سیوری اوجیه حاصل یارم سانتیمتر و طولنده عقی عضله قدر برعدده جرحه کورلدیکی وجرحه مذکورده نك اون بش کونده یوز الی غروش اجرته التیام بولدیغی اشعار قلمشدر .

قرائت اولنان اوراق مندرجاته نه دیه چکی صورلدقده متهم فرار ایتدیکنی وجرح و قتلک طرفندن وقوعنی قبول ایلیه چکنی اتیان ایتدی . مدعی عومیلک مقامندن اعطا وقرائت اولنان

شهود بوصولهنده اسملری محرر اولوب ورودایتکلری خبر ویریلان شاهدلر برر برر حضور محکمه یه چیقاریلهرق طرفینه عداوت وقربا و مناسبتلری اولدیغی اكلاشلیدقن واصلی وجهله تحلیفلی اجرا قلندقدن صکره استماع اولندقلرندن بولرندن ایاصوفیه جوارى اداره سنه مأمور نظامیه تحقیق مأمورلرندن اوتوز ایکی یاشنده اکیلی خلیل افندی ابن عثمان بیک بردریرکده طورمقده ایکن برچوجفك فریاد ایدرک ورودنی مشاهده ایلکه اسبابی سؤالنده عوجهم ابراهیم کدك باشاده کی خانه مزده والدم ایله رچی اوردی فرار ایتدی پوسته آخورلرنیه کیردی دیمکه رفیق حسن افندی ایله برابر آخوره کیدوب مرقومی دردست ایتدکن صکره محل وقوعاته کیدوب مواجهه ایلدکلرندن مجروحلرک جارحك ابراهیم اولدیغی سولیدکلری بر موجب استسطاق یاد ولدی الاستیضاح متهمی حین دردستلرنده باشنده فس بولنیوب مندیل باغلی اولدیغی ومتهمك فسنی محل جرمده بولدقلری مثلاً ینه محل جرمده زقاق قپوسنك ارقه سننده رافك آتنده دمل بر بچاق دخی بولدقلری وشهادتنك حاضر بالحا که متهم ابراهیم حقنده اولدیغی ایراد ایلدی . اداره مذکوریه مأمور تحقیق مأموری یکریمی دوت یاشنده قره مرسللی حسن صبری افندی ابن صالح بیک بردریرکده طورمقده ایکن برچوجفك

کدك باشاده امین سنان محله سننده عزیر بکک کلبه لرنده اسکن ایله ایاصوفیه مرکز رشده سی طله سنندن اولدیغی سولیان اون بش یاشنده اکیلی محمد افندی ابن طورسون استسطاق وجهله مدعی شخصی رجب ایله خانلرنیه کیتدیکنده کوچك قنداشی خالد اغاک دیو فریاد ایتسیله والده سیده اوغل یتیشك بو قزلباش بی اوردی دیمسیله صرتنده بولنان چوالی آهرق برای امداد اوطه به شتاب ایتدیکنده ابراهیمی اوطه ده مشاهده ایله طوتمق ایسته مش ایسه ده سلیکنوب الندن فرار ایتکله رجب طوت دیو باغردیغنده رجب دردست ایتك ایستدیکنده سیاه صابی بر بچاق چقاروب رچی دخی یاره لیهرق فرار و کندوسیده بالتعقیب مرقومك بیک بردریرکده آخوره کیردیکنی مشاهده ایله اوراده طورمقده اولان تحقیق مأمورلر بنه اورادنده ضبطه نظارتیه کیدرک ضابطه به کیفیت اخبار ایتدیکنی ومتهمك خانلرندن فرارنده باشنده فس بولندیغی وفسك خانه ده قالش ایدوکنی وشهادتی متهم ابراهیم حقنده اولدیغی خبر ویردی .

كديكي حاله قانونه اطاعت ايتامش نظريه باقيه رق حقوق مدنيه دن اسقاط قلنه جنى وعلينه دعوايه قيام اولنه جنى وبوصرده بر كونه ادعايه حق اوله ميه جنى ومعامله غيايه سى ائنه اموالنه جز آتته آله جنى وبولندي محلى بيلنرك خبر ويرمكه وباجمله ضابطه عدليه مأمورلينك كندوسنى طومتغه مجبور بولندقلرى امرى اعطا ومعامله حجزيه حقنه دخى مدعى عموميلكه تبليغات مقتضيه اجرا ايدلديكي جهته اصول محاكمات جزائيه قانوننك اوچيوز يتش برنجى واوچيوز يتش ايكنجى ماده لرندن استنباط اولنان احكامه توفيقاً اشبو قرارنامه بالتتظيم اعلان اولنور .

تجارت بحريه محكمه سنده :

استانبولده آتته بانقيسى اتصانده واقع اجزا دپوسنده مقيم اجزاي طيه تاجرى ميشل مزيكينك ٢٢ ايلول سنه ٣٢٢ تاريخندن اعتباراً اعلان افلاسنه ومصالح افلاسيه نك رؤيت وتسويه سى ضمنده اعضاي محكمه دن عزتو مارقار افدينك ژورقومي سر ودعوى وكيللرندن عنكلوس يونانديس وبغوص افديلرك موقت سنديك تعيينلرینه ومغازه سيله اشياى زائده بيتيه سنك تمهيري نه واوراق ودفاترينك جلبه وكفالت مصدقه ارئه ايدمهديكي تقديده حبس وتوقيفه وبوبابده كي قرارك موقتاً اجراسنه تجارت بحريه محكمه سنجه قرار ويرلمش اولديغندن قانوننامه تجارتك ١٧٠ نجى ماده سى موجبجه دائمي سنديككر انتخاب اولنق اوزره [٢١ مائس سنه ٣٢٣] بازارايرتسى كوني ساعت يدي راده لرنده اصحاب مطلوبك محكمه مذكوره نك مصالح افلاسيه رؤيته مخصوص اوطه سنه كللى اعلان اولنور .

بك اوغلنده ساقز اغاجنده قيرلانغچ زقاغنده ٣٨ نومرولى بقال دكاننده ساكن ايكن تجارت بحريه محكمه سندن افلاسنه حكم اولنمش اولان بقال پاندهلى حاجى لفرتك خصوصات افلاسيه نك رؤيت وتسويه سى ضمنده دعوى وكيللرندن پانده لاكي قوزميدى افدى اصالة سنديك تعيين قلنمش اولديغندن مفلس مرقوم ذمتده آله جنى اولانلرك قانوننامه تجارتك ١٩٩ و ٢٠٠ نجى ماده لرى موجبجه تحقيق ديون ايچون تاريخ اعلانندن اعتباراً يكرمى بركون ظرفنده سنداتى محكمه كاتبه تسليم ايللى ومدت مذكوره ختامندن صكره اوچ كونده يعنى ٣٢٣ سنه سى مائسك يكرمى سكرنجى بازارايرتسى ويكرمى طقوزنجى صالى واوتوزنجى چهارشنبه كونلرى تجارت بحريه محكمه سنك مصالح افلاسيه رؤيته مخصوص اوطه سنه

كلهرك سنديك افديلر مواجهه سنده آله جقلىرى اثبات وقيد وتصديق ايتديرملرى ومدت مذكوره ده اثبات وجود ايدمهيان آله جقولىر حقنده قانون مذكورك ٢١٠ نجى ماده سنه توفيقاً ايفاي معامله اولنه جنى اعلان اولنور .

ايكنجى تجارت محكمه سنده :

قاضى كوينده بازار يولنده نومروسز دكانده مقيم خفاف اصنافندن نرسس پاپاسيان وشريك ومخدومى سروپه پاپاسيانك ٨ مائس سنه ٣٢٣ تاريخندن اعتباراً اعلان افلاسنه ومصالح افلاسيه نك رؤيت وتسويه سى ضمنده اعضاي محكمه دن عزتو تلوصادق بك ژورقومي سر ودعوى وكيللرندن واهان افدينك موقت سنديك تعيينلرینه ومغازه سيله دپولرندكى اموال تجاريه واشياى زائده بيتيه سنك تمهيري نه واوراق ودفاترينك جلبه وكفالت مصدقه ارئه ايدمهديكي تقديده حبس وتوقيفه وبوبابده كي قرارك موقتاً اجراسنه ايكنجى تجارت محكمه سنجه قرار ويرلمش اولديغندن قانوننامه تجارتك ١٧٠ نجى ماده سى موجبجه دائمي سنديككر انتخاب اولنق اوزره اشبو ٣٢٣ سنه سى مائسك يكرمى اوچنجى چهارشنبه كوني ساعت التى راده لرنده اصحاب مطلوبك محكمه نك افلاس معاملاتنه مخصوص اوطه سنه كللى اعلان اولنور .

محكمه تجارت اجرا دائره سنده :

سلانيك بانقيسى سنك احمد خيرى بك ذمتده ايكنجى محكمه تجارت اعلاميه محكوم به اولان آله جنك تسويه سى ايچون مديون مرقومك متوفى پدرى حسن تحسين افدينك منتقلاً متصرف اولديغى صاتيه جوارنده سنجقدار خير الدين محله سنده اوزونجه اوبه زقاغنده قرق بش وقرق يدي نومروليله مرقم مقدا ايكي باب خانه واليوم معلوم الحدود على التخمين يوز بش ذراع عتيق مقدارى برقطعه عرصه بوندن اقدم موقع مزايده قونيله رق ليراي عثمانى يوز غروش حسابيله بيك التيوز غروشه طالبي عهده سنده قلنش واشبو مائس رومينك اون ايكي سندن اعتباراً اوتوز بر كونه يعنى كله جك حزيان رومينك اون ايكنجى صالى كوني ساعت اونه قدر يوزده بش ضم قبول اولنسى وذكر اولنان يوم وساعتده صوك مزايده سى بالا اجرا قرار قطعيسى ويريلاهرك طالبي عهده سنه كچورلمسى مقرر بولنش اولديغندن وآنندن صكره هر نه ضم وقوعبولور ايسه قبول اولنيه جغندن مذكور عرصيه يوزده بش ضم ايله طالب اولانلرك وبوندن زياده معلومات آلق

ايسيتيلرك بدل مزايده نك عشرينه مساوى پي اقه سيله برابر مدت مزبوره ظرفنده محكمه تجارت اجرا دائره سنه مراجعت ايللى ويوم ووقت مزبوره مذكور عرصه پيشكاهنده مأمورى مواجهه سنده حاضر بولنلرى اعلان اولنور .

بك اوغلى بابت محكمه سى اجرا دائره سنده :

حسن حسنى پاشازاده مصطفى ثريا بك افدينك بك اوغلى بدايت محكمه سى برنجى حقوق دائره سنك ٥ تموز سنه ٣٢٢ تاريخلى برقطعه اعلاميه عباسز اوغلى ورشه سندن كير مخدوملرى عزت وحسنى ورسم وفاتح افديلر وكيره كريمه لرى رفيه وامينه وخيره وصغيره قزى صافيه ووصيه ووالده سى خديجه خانملره على بك ووراحيان سرگز واسماعيل افديلر وسائر ذمتلرند محكوم به آله جنى اولان مبالغ معلومه نك تأمين استيفاسى ايچون زونغولداق قضاسنده قوزليده كائن معلوم الحدود يكرمى بر نومرولى شركت احسانيه ومراط نام طاش كور اوچاقلرند مديون مومى اليهك عهده تصرفلرند اولوب داي مومى اليه نامه فراغ بالوفايله مقيد وفروخته سالف الذكر اعلاميه حكم وقرار ويرلان يتش سهملرينك زونغولداق محكمه سى اجرا دائره سى وساطتيله تاريخ اعلانندن اعتباراً اون بش كون صكره بالمزايده فروخته تشبث اولنه جغندن طالب اولوب مفصلاً معلومات آلق ايسيتيلرك بك اوغلى ومحلى بدايت محكمه لرى اجرا دوايرينه مراجعت ايللى اعلان اولنور .

اسكدار بابت محكمه سى اجرا دائره سنده :

اسكدارده مقيم استريو قالفه نك ارن كوينده مقيم حسن افدى ابن احمد ذمتده با اعلام محكوم به آله جنى اولان مبالغ معلومه نك تأمين استيفاسى ايچون مومى اليه حسن افدينك عهده تصرفنده اولوب دايك طليله حجز آتته آنان ارن كوينده صحراى جديدده قوقارپيكار موقعنده كائن برطرفى شمندوفر خطى وبرطرفى حاجى رضا بك خانه سى وكوشكى وديكر طرفى عمرافدى ترلاسى وبرطرفى حاجى على افدى كوشكى ايله محدود بر باب عمار خانه نك تاريخ اعلانندن اعتباراً اون بش كون صكره بالمزايده فروخته تشبث اولنه جنى اسكدار بدايت محكمه سى اجرا دائره سندن اعلان اولنور .